

4 января 2026 года. Неделя 30-я по Пятидесятнице, пред Рождеством Христовым, святых отец. Глас 5-й. Предпразднство Рождества Христова. Вмц. Анастасии Узорешительницы.

НА ГОСПОДИ, ВОЗЗВАХ,

Стихиры воскресные, глас 5:

Гóсподи, воззвах к Тебе, услы́ши мя./ Услыши мя, Гóсподи./ Гóсподи, воззвах к Тебе, услы́ши мя:/ вонми́ гласу моле́ния моего́,/ внего́да воззва́ти ми к Тебе́.// Услы́ши мя, Гóсподи.

Да испра́вится моли́тва моя,/ яко кадило пред Тобо́ю,/ воздея́ние руку моёю/ – жёртва вече́рняя.// Услы́ши мя, Гóсподи.

1. Стих: Изведи из темницы душу мою, // исповедатися и́мени Твоему.

Честны́м Твоим Кресто́м, Христé,/ диавола посрами́л еси́,/ и Воскресе́нием Твоим жало греховное притупи́л еси́,/ и спа́сл еси ны от врат сме́ртных:// славим Тя́, Единоро́дне.

2. Стих: Мене ждут праведницы, // дондеже воздаси мне.

Воскресе́ние дайя́ роду челове́ческому,/ яко овча на заколе́ние ведёся,/ устраши́шася сего князи а́дстии,/ и взя́шася врата плачевная./ Вниде бо Царь сла́вы Христóс,/ глаго́ля сущим во узах, изыди́те:// и сущим во тьме́, откры́йтесь.

3. Стих: Из глубины воззвах к Тебе, Господи, // Господи, услыши глас мой.

Вéлие чу́до,/ невидимых Содéтель, за человеколю́бие плóтию пострада́в,/ воскресе́ Безсме́ртный./ Приидите отéчества язы́к,/ Тому́ поклони́мся:/ благоутро́бием бо Его́ от прелести изба́вьшася, // в Трех Ипостасех Еди́наго Бога пéти навыко́хом.

Стих: Да будут уши Твои // внимлюще гласу моления моего.

4. Вече́рное поклонéние/ приносим Тебе, Невечернему Свéту,/ на конéц веков, яко в зеркале плотию возсия́вшему ми́рови,/ и да́же до ада низше́дшему,/ и тамо сущую тьму разруши́вшему,/ и свéт Воскресения языком показáвшему:// Светодавче Гóсподи, сла́ва Тебе́.

Стихиры предпразднества Рождества Христова, глас 6:

5. Стих: Аще беззакония назриши, Господи, Господи, кто постоит?// Яко у Тебѣ очищѣние ѣсть.

Незаходимое Сѡлнце/ из Девственных ложесн возсияти идет,/ просветити всю подсѡлнечную,/ чистыми очесы и чистыми деяньми/ сresti Сего потщѣмся/ и подъяти ныне уготовимся дѹхом/ грядущаго во Своя странным рождеством, якоже благоволи,/ яко да устранися ны едѣмскаго житія/ возведет, яко Благоутрѡбен,// в Вифлеѣме раждѣется.

6. Стих: Имене ради Твоего потерпех Тя, Господи, потерпе душа моя в слово Твое,// упова душа моя на Гѡспода.

На плещах носимый Херувѣмских,/ Бог Слово, плоти по Ипостаси соединѣвся,/ во всенепорочное чрево вселися, и бысть Человѣк,/ и на землю грядет от Иудова племени родѣтися,/ вертеп свят Всецарю благоукрасися, яко величайшая палѡта,/ ясли же, яко престол огнезрѡчен,/ в нихже яко Младенца Дева Мария полагаѣет,// во обновление создѡния неопредѣленнаго.

7. Стих: От стражи утрення до нощи, от стражи утрення,/ да уповает Израѣиль на Гѡспода.

В безсловесных яслех Тя полагает Дѣва,/ Божие Слово Безначѡльное,/ начало приемшее пѡче ума,/ мое бо разрешити безсловесие грядѣши,/ еже подъях завистию змѣиною,/ пеленами же повѣтися,/ яко да расторгнеши рубы и пленицы прегрешѣний моѣх,/ Едине Блаже и Человеколюбче./ Темже Тя славлю,/ пою и поклоняюся прерадостно во плоти пришествию Твоемѹ,// ѣмже свободѣхся.

Стихиры отцов, глас 6:

8. Стих: Яко у Господа милость и многое у Него избавление:/ и Той избавит Израиля от всѣх беззакѡний егѡ.

Явися мира концем праотцев пѡмѡть,/ света истинно исполнена и зарями благодати сияюща:/ Христос бо, солнце светлое, свыше просияв издалѣча,/ звезд собор ведет, с Ним возсиявший,/ и Рождество Богочеловечное является внутрь Вифлеема быти./ Все, убо верою Сегѡ Рождество/ благочестно плещуще, ликѹим// хвалѹ предпразднственную.

9. Стих: Хвалите господа вси языцы,/ похвалите его вси людие.

Славою украшается/ Божественнаго причастия/ Адам, радуясь днесь,/ яко основание и утверждение праотцев мудрых,/ совзыграет же Авель, и Енох веселится,/ и ликует Сиф и Ное купно;/ с патриархи же поет Авраам всехвальный,/ и рождение без отца ныне Мелхиседек видит свыше./ Темже Божественную память Христовых праотцев/ и мы совершающе, молим// спастися душам нашим.

10. Стих: Яко утвердися милость Его на нас,/ и истина Господня пребывает во век.

Облиста весело иже в пещи детей Богомудрых собор/ и Христово Рождество проповедует на земли;/ яко бо честная роса низшед, Господь/ Рождшую спасает неопальну,/ соблюдает непорочну/ и обогащает Божественными дарованиями./ Темже и Богоприятный радуется Даниил, веселясь,/ Камень бо из Горы несечен провидя яве,// со дерзновением молится ныне о душах наших.

«Слава» – **стихира отцов, глас 6:**

Даниил, муж желаний,/ камень, без руки отсечен, видев Тя, Господи,/ Младенца, без семени рожденна, пронарече Тя,/ из Девы воплощенна Слова,/ неперменнаго Бога// и Спаса душ наших.

«И ныне» – **глас 6:**

Вертепе, благоукрасися,/ Агница бо грядет, чревоносящи Христа,/ ясли же, подымите/ словом разрешившаго от безсловеснаго деяния нас, земнородных./ Пастырие, свиряюще, свидетельствуйте чудеси страшному,/ и волсви от Персиды, злато, и ливан, и смирну Царю принесите,/ яко явися Господь из Девы Матере./ Емуже и, приникше, рабски Мати поклонися/ и привещаше к держимому на объятиих Ея:/ како всеялся еси Мне?/ Или како прозябл еси во Мне,// Избавителю мой и Боже?

НА ЛИТИИ:

Стихиры предпразднства, глас 2,

Подобен: «Доме Евфрафов»:

Грядёт Христос лукаваго сокруш́ити,/ сущия во тьме просвети́ти/ и разреши́ти связанныя,// предусря́щим Того́.

Ликуй, Сионе, вертепе, благоукраси́ся,/ Вифлееме, готови́ся:// се бо Дева родити Христа́ грядёт.

Воспойте, отечествия языков, хвалу и сла́ву,/ волсви с дары, пастырие свиря́юще,// усердно потщ́итесь.

Стихира отцов: Глас 1:

Луча́ми облиставшеся Богоглаго́лания,/ великоимени́тии пророцы присно ублажа́ются/ и, раче́ния Духа плодонося́ще,/ неизреченное Рождество Христа́ Бога все́м пропове́даша,/ зако́нно же кончину прия́ша,// поживше жизнь пречу́дную.

«Слава» – стихира отцов, глас 3:

Праотцев собор, празднолю́бцы,/ приди́те, псаломски да восхва́лим:/ Ада́ма праотца, Еноха, Но́я,/ Мелхиседе́ка, Авраама, Исаака и Иа́кова,/ по зако́не Моисея, и Ааро́на,/ и Иису́са, Самуила и Дави́да,/ с ни́миже Исаию, Иеремию́,/ Иезекии́ля, и Даниила, и дванадесять вку́пе,/ Илию́, Елиссе́я и все́х,/ Заха́рию, и Крестителя, и пропове́давшия Христа́// жизнь и воскресение ро́да на́шего.

«И ныне» – стихира предпразднства, глас 3:

Благоукраси́ся, Вифле́еме,/ отве́рзеся бо Едем, готови́ся, Евфра́фо,/ обновля́ется бо Адам и Ева с ним:/ кля́тва бо разорися, спасение ми́ру процвете́,/ и ду́ши праведных украша́ются,/ я́ко дар дароносия, вместо мира пение принося́ще,/ спасе́ние душевное и нетление прие́млюще./ Се́ бо в я́слех возлежа́й/ предповелева́ет пение духовное совершати вопиющим непреста́нно:// Го́споди, сла́ва Тебе́.

НА СТИХОВНЕ

Стихиры воскресные, глас 5:

Тебѣ, Воплощеннаго Спаса Христа, / и Небес неразлучившася, / во гласех пений величаем, / яко Крест и смерть приял еси за род наш, / яко Человеколюбец Господь, / испровергий адова врата, / тридневно воскресл еси, // спасаая души наша.

Стих: Господь воцарися, / в лепоту облечеса.

Прободенным Твоим ребром, Жизнодавче, / токи оставления всем источил еси, / жизни и спасения: / плотию же смерть восприял еси, / безсмертие нам даруя. / Вселив же ся во гроб нас свободил еси, / совоскресив с Собою славно, яко Бог. / Сего ради вопием: // Человеколюбче Господи, слава Тебе.

Стих: Ибо утверди вселенную, / яже не подвижется.

Странно Твое распятие, / и еже во ад сошествие, Человеколюбче, есть: / пленив бо его, и древняя юзники / совоскресив с Собою славно, яко Бог, / рай отверз, восприняти сего сподобил еси. / Темже и нам, славящим Твое тридневное Востание, / даруй очищение грехов: / рая жители сподобляя, // яко Един Благоутробен.

Стих: Дому Твоему подобает святыня, / Господи, в долготу дней.

Нас ради плотию страсть приимый, / и тридневен из мертвых воскресый, / плотския наша страсти исцели, / и возстави от прегрешений лютых, // Человеколюбче, и спаси нас.

«Слава» – стихира отцов, глас 2:

Радуйтесь, пророцы честнии, / иже закон Господень добре учинивше / и верою явльшеся непобедимии столпи и непреклоннии; / вы бо и ходатаи явистеся Новаго Завета Христова / и, преставльшеся к Небеси, // Того молити умирить мир и спасти души наша.

«И ныне» – стихира предпразднства, глас 2:

Се время приближися спасения нашего,/ готовися, вертепе,
Дева приближается родити,/ Вифлеэме, земле Иудова, кра-
суйся и веселися,/ яко из тебе возсия Господь наш./ Ус-
лышите, горы, и холми,/ и окрестныя страны Иудейския,/
яко грядет Христос,/ да спасет, егоже созда, человека, // яко
Человеколюбец.

Глас 4:

Богородице Дево, радуйся,/ Благодатная Марие, Господь с
Тобою,/ Благословенна Ты в женах/ и благословен плод
чрева Твоего, // яко Спаса родила еси душ наших. **Дважды.**

И тропарь святых отцов, глас 2:

Велия веры исправления:/ во источнице пламене, яко на воде
упокоения,/ святии трие отроцы радовахуся,/ и пророк Да-
ниил львом пастырь, яко овцам, являшеся. // Тех молитвами,
Христе Боже, спаси души наша. **Единожды.**

НА УТРЕНЕ НА «БОГ ГОСПОДЬ»

Тропарь воскресный, глас 5:

Собезначальное Слово Отцу и Духови,/ от Девы Рождшееся
на спасение наше,/ воспойм, вернии, и поклонимся:/ яко бла-
говоли плотию взыти на Крест,/ и смерть претерпети,/ и вос-
кресити умершия // славным Воскресением Своим. **Дважды.**

«Слава» – Тропарь отцов, глас 2:

Велия веры исправления:/ во источнице пламене, яко на воде
упокоения,/ святии трие отроцы радовахуся,/ и пророк Да-
ниил львом пастырь, яко овцам, являшеся. // Тех молитвами,
Христе Боже, спаси души наша.

«И ныне» – Тропарь Предпразднства, глас 4:

Готовися, Вифлеэме:/ отворзися всем, Едеме,/ красуйся,
Евфрафо,/ яко древо живота в вертепе процвете от Девы:/
рай бо Она чрево явися мысленный,/ в немже Бо-
жественный сад,/ от негоже ядше, живи будем,/ не якоже
Адам умрем. // Христос раждается прежде падший возставить
образ.

Каноны: воскресный (Октоиха) со ирмосом на 4 (ирмосы единожды), предпразднства (глас 1-й; см. в службе отцов) на 4 и отцов на 6. Катавасия «Христос рождается...». По 3-й песни – ипакои отцов, глас 8-й (единожды). По 6-й песни – кондак («Веселися, Вифлееме...») и икос отцов, глас 1-й. На 9-й песни поем «Честнейшую». По 9-й песни – «Свят Господь Бог наш». Ексапостилярный воскресный 8-й. «Слава» – светилен отцов: «Патриархов избраннии...», «И ныне» – светилен предпразднства: «Агница Нeskверная...» (см. в службе отцов).

НА ХВАЛИТЕХ

Стихиры воскресные, глас 5:

1. Стих: Сотворити в них суд написан:/ слава сия будет всёму преподобному Его.

Господи, запечатану гробу от беззаконников,/ прошел еси из гроба, якоже родился еси от Богородицы:/ не уразумеши, како воплотился еси, безплотнии Твои ангели:/ не чувствовала, когда воскресл еси, стрегущии Тя воины./ Обою бо запечатлестася испытующим,/ явися же чудеса кланяющимся верою тайнству:/ еже воспевающим, // воздаждь нам радость и велию милость.

2. Стих: Хвалите Бога во святых Его,/ хвалите Его в утверждении силы Его.

Господи, верей вечныя сокрушив,/ и узы растерзав,/ от гроба воскресл еси,/ оставль Твоя погребальная,/ во свидетельство истиннаго тридневнаго Твоего погребения:/ и предварил еси в Галилеи, в пещере стрегомый./ Велия Твоя милость, Непостижиме Спасе, // помилуй и спаси нас.

3. Стих: Хвалите Его на силах Его,/ хвалите Его по множеству величества Его.

Господи, жены текша на гроб,/ видети Тя, Христа, нас ради пострадавшего,/ и пришедша, обретоша ангела на камени сидяща, страхом отвальшемся,/ и к ним возопи, глаголя:/ воскресе Господь, рците учеником,/ яко воскресе от мертвых, // спасаая души наша.

4. Стих: Хвалите Его во гласе трубнем,/ хвалите Его во псалтири и гуслех.

Господи, якоже изшел еси от запечатаннаго гроба, / тако
вшел еси и дверем заключеным ко учеником Твоим, / по-
казуя им телесная страдания, / яже подъял еси, Спасе
Долготерпеливый: / яко от семени Давидова язвы пре-
терпел еси, / яко Сын же Божий, мир свободил еси. /
Велия Твоя милость, Непостижимо Спасе, // помилуй и
спаси нас.

Стихиры отцев, глас 5.

Подобен: Радуйся постников:

5. Стих: Хвалите Его в тимпане и лице, / хвалите Его в
струнах и органе.

6. Стих: Хвалите Его в кимвалех доброгласных, хвалите
Его в кимвалех восклицания: / всякое дыхание да хвалит
Господа.

Возвыси твой глас истинно, / Сионе Божественный
граде, / и проповеждь отцев божественную память, / со
Авраамом Исаака и Иакова почитаючи приснос-
лавнога: / се со Иудою и Левием величаем Моисеа ве-
ликаго, / и Аарона чуднаго, / и почитаем с Давидом Ии-
суса, и Самуила вси, / предпразднеству Христову Бо-
жественную похвалу, / песнями божественными
плещущи, / яже от Него благодать улучшить просим, // и
миру даровати велию милость. **[Дважды.]**

7. Стих: Благословен еси, Господи Боже отец наших, / и
хвально и прославлено имя Твое во веки.

Гряди на огненную иногда возседый Илие божественную
колесницу: / и богомудре Елиссее, / со Езекиею во
едино, / Осие купно срадуйтесь: / честная же двоенаде-
сятице пророков богодохновенная, / Рождеству Христо-
ву сликовствуите. / и в песнях вси праведнии воспойте
отроцы всеблаженнии, / росью Духа угасившии пламень
пещный, / о нас молити Христа, // низпослати душам на-
шим велию милость.

8. Стих: Яко праведен еси о всех,/ яже сотвори́л еси́ нам.

Явися яже от века на земли проповедаемая пророки в вещаниих,/ Дева Богородица:/ Юже патриарси мудрии, и праведных собор возвещают./ с нимиже сликовствует и жен благоле́пие:/ Сарра, Ревекка, Рахиль и Анна же,/ и сла́вная Мариам Моисеева кúпно./ С ними срадуются и мiра концы́,/ вся тварь почита́ет,/ я́ко Зиждитель всех и Бог приходит плотию родитися, // и даровати нам вéлию мiлость.

«Слава» – глас 8:

Законных учений сослóвие,/ во плóти являет Христово Божéственное Рождество́,/ прéжде закона благодать благовествúющая,/ я́ко паче закона в вере сúщия./ Темже тления изменению сущу ходáтайственно,/ во áде держимых душáм/ предпроповéдяху Воскресния ráди, // Господи, сла́ва Тебе.

«И ныне» – глас 2:

Преблагословéнна еси, Богородице Дéво,/ Воплощшим бо ся из Тебе ад пленiся,/ Адáм воззвася, клятва потребися, Ева свободiся,/ смерть умертвися, и мы ожiхом./ Тém воспева́юще вопи́ем:// благословен Христос Бог, благоволивый тако, сла́ва Тебé.

НА ЛИТУРГИИ ПО ВХОДЕ, Тропарь воскресный, глас 5:

Собезначальное Слово Отцу и Духови,/ от Девы Рождшея на спасение наше,/ воспойм, вернии, и поклонимся:/ яко благоволи плотию взыти на Крест,/ и смерть претерпети,/ и воскресити умершия// славным Воскресением Своим.

Тропарь отцов, глас 2:

Велия веры исправления:/ во источнице пламене, яко на воде упокоения,/ святии трие отроцы радовахуся,/ и пророк Даниил львом пастырь, яко овцам, являшеся.// Тех молитвами, Христе Боже, спаси души наша.

Тропарь Предпразнства, глас 4:

Готовися, Вифлеэме:/ отверзися всем, Едеме,/ красуйся, Евфрафо,/ яко древо живота в вертепе процвете от Девы:/ рай бо Она чрево явися мысленный,/ в немже Божественный сад,/ от негоже ядше, живи будем,/ не якоже Адам умрем.// Христос раждается прежде падший возставити образ.

«Слава» – Кондак отцев, глас 1.

Подобен: Лик ангельский:

Веселися, Вифлеэме,/ Евфрафо готовися:/ се бо Агница Пастыря великаго во утробе носящи,/ еже родити тщится./ Егоже зрящи богоноснии отцы веселятся,// с пастырьми поюще Деву доящую.

«И ныне» – кондак предпразднства, глас 3:

Дева днесь Превечное Слово/ в вертепе грядет родити неизреченно;/ ликуй, вселенная, услышавши,/ прослави со Ангелы и пастырьми// хотящаго явитися Отроча Младо, Превечнаго Бога.

Прокимен – Песнь отцев, глас 4-й: «Благословен еси, Господи Боже отец наших...», стих: «Яко праведен еси о всех...». Апостол – Недели пред Рождеством Христовым (Евр., зач. 328). Аллилуиарий – отцов, глас 4-й: «Боже, ушима нашими услышахом...», стих: «Спасл еси нас от стужающих нам...». Евангелие – Недели пред Рождеством Христовым (Мф., зач. 1). Причастен – воскресный: «Хвалите Господа...»; и отцов: «Радуйтесь, праведнии...».